

## Ahellil 18

- 1 N umeqran n imeddaḥen, Dawed axdim n Yellu,  
agellan yenna i Yellu awalen n uhellil aya,  
segga at-isellek Yellu seg ifassen n yeḫdawen nn-es gaḥ  
u seg fus n Cawul, Yenna :
- 2 Tectiḡ-cek a Yellu, legder inu !
- 3 Yellu lkaf inu, taqliḡt inu, imsellek inu !  
Rebbi inu, azru inu, ani sdurayey iman inu !  
Taseddarit inu, legder i y-iḥman, amkan n tarewla inu !
- 4 Tḡeyyadeḡ, lḥemd i Yellu !  
U neḥ selkey seg eḫdawen inu.
- 5 Ikerrafen n tmettant lwin-d fell-a,  
u leḥmali ig treyyaben ssiggudent-ay jemla
- 6 Ikerrafen n tendelt fella lwin-d,  
imendafen n tmettant zzat-i neḥben-d.
- 7 Di leḥselt inu, d Yellu i nedheḡ, ḡer Rebbi ḡeyydeḡ.  
Sug exxam nn-es n ujenna, d awal inu ig tsella,  
aḡeyyed inu, ḡer imejji nn-es iwella.
- 8 Mmala tamurt terjiji teggelfeḡ,  
ssas n idurar s wadda yezzeḡzeḡ,  
rjijin, si lḡecc n Yellu i d-yusin.
- 9 Si tenzar nn-es, iluff-ed uḡamu,  
seg mi nn-es terg-ed lḡafift theffu.  
Lellcent-d si-s terjin.
- 10 Yedfeḡ ijenwan u yers-ed,  
seddu n i darren nn-es tagut tḡumm-ed.
- 11 Yuli seng n ukerrub u yuffeg,  
dug aḡu yefferfer, yunneg.
- 12 Yiga tallast i tufra, d nettat d amkan,  
ijellel ḡamu d aberkan;  
d aseḡna yeḥur d aman
- 13 Si tfawet i begḡsen, ḡeddand isegniwen,  
akerra d tirjin i lehben.
- 14 Yellu yezher deg jenwan,  
yetwasel ḡḡut n wa yeḡlan

- s ukerra d terjin yehman.
- 15 Yuṭi-hen s ineccaben,  
s lebrūq iḡerrmen iferzeḡ-ihen,  
ammin yeṣṣberbeṣ-ihen.
- 16 Isriren n waman banen,  
u ssisan n ddunit twafen,  
s uheyyeb nn-ek a Yellu,  
s zzef n waḍu n tenzar nn-ek i ḡuccen.
- 17 Yezzel-d fus nn-es s-ennej, yettef-ay  
Sug aman i ḡerrmen yesserg-ay
- 18 Sug eyrim inu, imegder issemneḡ-ay,  
Si yya i y-inekkren, yya igedren fell-a ifukk-ay.
- 19 Zedmen-d fell-a dūg ass amenḡus,  
Embeṣṣeh Yellu yezzel-ay-d fus.
- 20 Ḡer listaḡ yesserg-ay,  
xaṭrac yezha iss-i, ifukk-ay.
- 21 Yellu, f ttaḡet inu, ijaza-y  
f tezdeg n ifassen inu yuca-y.
- 22 Xaṭrac tṭfeḡ deg ebriden n Yellu,  
ur eḡṣiḡ ca Rebbi.
- 23 Leqwanen nn-es gaḡ di lbal, ur ḡiḡ.  
Si luṣayaṭ nn-es ur rgiḡ
- 24 S lek malt, id-es ugireḡ.  
si dnub iman inu hefdeḡ .
- 25 Yellu, ijaza-y f ttaḡet inu,  
u yezra tazdeg n ifassen inu.
- 26 Tqerbed ḡer wa d-iqerben ḡer-ek.  
Tkemled id n wa ikemlen id-ek.
- 27 Id n uzeddag d azeddag i tettild,  
Embeṣṣeh, wa iferḡen fella-s tluḡgid
- 28 Yaxi, d cek ig sellken egduḍ si leyben,  
u tessrusid-ed imetkebbren.

- 29 D cek a Yellu ag tbeġġen lefnaṛ inu,  
Rebbi yessfaway taḥḥasin inu.
- 30 Iss-ek tmegriy f terbaġt n imsellhen,  
u s Rebbi tneġzeḡ lehyuḍ i ḡlayen.
- 31 Abrid n Rebbi ikmel,  
awal n Yellu, d aṣḥih yettuḡewwal fella-s,  
netta d taseddarit n yudan gaḡ i ddurayen ḡer-s.
- 32 Mmala, mand wa Rebbi, ma ur yelli d Yellu ?  
Mand wa d azru, ma ur yelli d Rebbi nn-eḡ.
- 33 D Rebbi a y-ithezzmen s legder,  
u iweḡḡa abrid inu yekmel.
- 34 Iweḡḡa-y idarren am yya n tedma xeffen u qedden,  
u yessbedd-ay di temzirin yeḡlayen.
- 35 I wemnuḡi yesselmad-ay ifassen,  
u i welway n tezḡayt igedren iḡeddel-ay iḡallen.
- 36 Taseddarit n wemnaḡ tettučed-ay,  
u fus nn-ek afusi yetḡawan-ay,  
anethelli nn-ek iqeyyem-ay.
- 37 Tessirawayed isurifen inu,  
dug ebrid ur tetrabalent tekḡab inu.
- 38 Deffreḡ iḡrimen inu u tettfeḡ-hen,  
ur d-twelliḡ kiss ma ssuqqiḡ-hen.
- 39 Rezzreḡ-hen, ur tqedden ad ekkren,  
taḍun-ay seddu n idarren.
- 40 S legder i wemnuḡi tethezzamed-ay  
u seddu n idarren iḡdawen inu tessrekḡed-ay-d.
- 41 Iḡrimen inu fella tesserwaled-hen,  
yya i y-inekkren ssuqqayeḡ-hen
- 42 Ccarḡaten, u ict ma yetfukka-hen,  
tlayan i Yellu, u ur a d-iweḡḡa fell-asen.
- 43 Am uḡebbar i ttawin iḡeḡajen a' hen-rhiḡ,  
u am uluḍ n izuqaq, a' hen-ferdeḡ.
- 44 Seg nuḡan n wegduḍ tessmenḡed-ay,  
u f yexf n lejnas tessersed-ay,  
u agduḍ i yidḡan ixedm-ay.

- 45 Segga aḍ eslen ism inu taḍren-ay,  
taḍwa n uberḍani tzeqqalen-ay.
- 46 Iberḍaniyyen wehnen,  
traḡen-d terjijin si teqliḡin nn-sen.
- 47 Aḍ yedder Yellu, u aḍ ittubarek, netta ḍ azru inu,  
ccan i Yellu imsellek inu.
- 48 Ḍ netta a y-issxelfen ttar,  
a y-ed-yuḡan igḍuḍen seddu n uḍar.
- 49 Ay-ifukken seg eyrimen,  
u herniḍ, ḍ cek a y-issilin f iḡḍawen,  
u a y-imenneḡ sug ergaz iḍellmen.
- 50 F amma a cek-ḡemḍey a Yellu jar n lejnas,  
u aḍ ḡenniḡ i ism nn-ek.
- 51 Netta yeḡuḡ rennu ḍ ameqqran i wḡelliḍ nn-es,  
yessbeyyan-ed lemlaḡet nn-es i wa yetwamesḡen,  
i Dawed, u i taḍwa nn-es i dima.